



Peppe Simonte
1997

Peppe Simonte

PEPPE SIMONTE

Cenni Biografici

Peppe Simonte nato a Trapani il 2 Febbraio 1948. Poeta per hobby, non ha mai pubblicato le sue opere.

Si apprezzano di lui con dovuto rispetto i suoi vent'anni di palcoscenico.

Lo si ritrova nella compagnia "Amici di Nino Martoglio".

Presentazione

Tutto quello che scrive è semplice e modesto, ma pur pieno di contenuti e di sensazioni.

Attraverso i suoi versi affiorano emozioni dense di vibrante sensualità e di immagini suggestive, tanto da farci rivivere "fisicamente": i suoi luoghi, le sue vicende, e le sue commozioni.

Lillo Napoli

AMARU È STU MARI

Dui rima, 'na riti e 'na varca
quattru mura chini di sali
'mparu d'occhi sicchi di chiantu
'na vita china di travagghiu e fami.

Oh me Signuri! Ma occhi unn'aviti?
nun lu viriti stù poviru Cristu?
datimi paci, chiamatimi a vvui
cc'haiu a viriri ancora di soccu nn'haiu vistu?

Ma si! Ammatula ju staiu parlannu
mentri stù friddu mi rusica l'ossa
si fici ggià sira, la riti vaiu a calu
priannu u' Signuri ca u' mari un s'ingrossa

Soccu successi na ddà nuttata
nuddu piscaturi lu sappi capiri
non 'mpuntu sulu lu mari s'inchiu
e dd'acqua 'ncelu si vitti acchianari

Ora lu mari è 'na tavula di vitru
darré la muntagna lu sulì s'affaccia
facennu viriri all'orizzonti
sulu dui rima, 'na riti e 'na varca.

LA PRIMA VOTA

*Cantavano l'aceddi 'ntra li rami
cantava lu me cori 'ntra lu pettu,
la me manu stritta a la tò manu,
cantava puru lu ciumi 'ntra lu lettu.*

*Lu vancu di la scola dda màtina
'rristau senza caluri e cumpagnia,
li me occhi 'nta li libra nun pusaru
eranu chini d'amuri e di fuddìa.*

*Fù ddu vistiteddu russyu curtu curtu,
o fù 'ddu ciauro ca facivi di cirasa,
foru l'occhi toi ca mannavanu lampi
o 'dda vuccuzza villutata comu 'na rosa.*

*Mi sentu 'nfocu d'intra si cci penzu,
chidda fù la prima vota, puru ppi mia
nn'eranu arrubbati vasunedda, ma
lu sangu 'ntra li vini cca vughhia.*

*Intra n' campu di furmentu ti cughhivi,
'mpazzutu, di la peddi tua di sita,
nn'era lu sulì cc'abbruciava la tò carni,
ma era l'amuri di la prima vota.*

Intra 'ddu ciumi tinennuti ppi mmanu,
'mpastati di suduri e di furmentu,
cu' 'ddu ciauru d'amuri ancora 'ncapu,
ancora ti cughivi 'nsacciu quantu.

Lu ventu ca passau 'nta 'dda jurnata,
quantu suspira si purtau luntanu
e lu suli mutu 'nta lu celu,
stava a taliari, facennu di vardianu.

Nna lacrima dd'amuri lenta scinniu
'nta la to facci russa comu lu focu,
la pupa tua di pezza ta scurdasti,
ora fimmina si tu e ju, ju sugnu 'n'omu.



VINTICEDDU CAPRICCIUSU

*'Mmezzu a li paggini d'un libru di latinu,
gialli, di lu culuri di la muffa,
ciuciati lenti di lu ventu,
ca si fà strata 'nta 'na finestra rutta
li me occhi si vinniru a pusari
supra 'nciuri e 'na farfalla sicca.*

*Lu cori 'ntra lu pettu ggià satava
mentri stù vinticeddu capricciusu
ciuciannu araciu araciu 'ntra li foggia,
paria ca si facissi cchiù curiousu
e ju fermu vicinu a 'ddu ciuciari,
viria vulari tanti pizzinedda,*

*viria cori cu' la freccia disignata,
vulau puru na littra d'amuri
cu supra scrittu: Maria, quantu si bedda.
'Nterra calatu cughennu 'ddi pizzina,
cugghiennu puru 'dda littra d'amuri,
'ddu ciuri e 'dda farfalla sicca,*

*lu tempu 'ntunnu a mmia s'avia firmatu
e mi vitti picciutteddu, a picca a picca.
Mi passaru sutta l'occhi 'ddi mumentu:
Lu primu amuri,
lu primu cori cu' la freccia disignata,
lu primu pizzineddu sutta lu vancu,*

lu primu vasuneddu e poi, si poi,
m'affacciasti tu bedda Maria.
Avia finutu lu ricordo 'ddu mumentu,
a mia truvasti, assittatu 'nta n'agnuni,
puru lu ventu avia finutu la ciuciata
e assittannuti 'nterra a latu a mmia

mi dasti 'nta la frunti nna vasata.
S'acchianati quarchi jornu 'nta suffitta
e sintiti 'vinticeddu ca cci ciucia,
mittiti un libru di ricordi sutta ventu,
strinciti forti la cumpagna vostra e sentiti,
lu focu di l'amuri com'abbrucia.



SICILIA: MAGGIO 1928

*Vulennu cuntari na' storia d'amuri
e 'nsapennu lu nomu di stà fimminedda,
na' stà storia china, di peni e duluri,
la chiamu Maria stà fimmina bedda.*

*Ma 'nda na storia d'amuri, li cori su dui,
c'è un piscaturi ca voli beni a Maria,
Turiddu lu chiamu, parlannu cu vvui,
'nsapennu lu nomu ca iddu tinia.*

*E' Vigilia di nozzi pi 'stu ciuri di rosa
e vulennu pariri ancora cchiù bedda
aspittannu Turiddu, ca torna a sò casa
si pitta lu mussu stà facci di stidda.*

*Tri jorna passaru, ca nisciu cu la varca,
luntanu, a piscispada calau li sò rizzi
circannu di fari, nà pisca cchiù ricca
pinzannu a Maria e a lu jornu di nozzi.*

*Già tanta genti affudda lu portu,
aspittannu 'u ritornu di li piscatura,
li mogghi 'u rosariu si strincinu 'mpettu
taliannu luntanu, cu l'occhi di fora.*

Cuntannu li grani di la curuna,
dda manu di sita si viri trimari,
forsi è lu friddu c'acchiana 'nda schina
oppure si trema, pi l'omu ch'è a mari.

Varchi 'nto portu ci nn'è già 'ncintinaru,
sciddica, cari, ci scappau la curuna,
li grani si perdinu è ggia si fa scuru,
mentri curri Maria, comu n'anima 'mpena.

Susennusi araciu, cu li lacrimi all'occhi,
mentri lu cori ci scassa lu pettu
'mparra cchiù nuddu, ddà mmezzu li varchi,
silenziu ora rigna, 'ntra tuttu lu portu.

Dintra na' riti a lu postu di pisci,
purtatu a spada di dui piscatura,
si viri na' manu, di la riti ca' nesci,
cu' è st'omo mortu?, di cui su sti dulura.?

Quannu 'nterra lu posanu, Maria lu capisci
comu 'st'omo muriu, 'dda mmezzu a lu mari,
'nto pettu chiantata, avi na' spada di pisci
ca' nuddu 'u curaggiu truvau pi livari.

Quarcunu la riti grapi e talia,
un crucifissu si viri a lu coddu,
di corpu la cruci canusci Maria,
è lu rialu ca' fici all'amatu Turiddu.

*La vuci ca' jetta agghiaccia lu sangu
'nda la scena ca' viù c'è lu stessu duluri,
comu quannu a Maronna, cu' l'occhi chini di chiantu
viri 'ncruci chiantatu a nostru Signuri.*

*Scappa di cursa dintra a sò casa,
nu 'nnesci però cu l'abbitu a luttu,
nesci 'nchiancennu cu' lu velu di sposa
e trimannu si ferma, d'avanti a lu mortu.*

*Duna 'na vuci cchiù forti da prima,
ca voli fari, nuddu capisci
e a tutti dicennu ca Turiddu la chiama,
fà di birsagliu a ddà spada di pisci.*

*Sgriccia ddù sangu nall'acqua di mari,
di russu si pitta ddù Biancu sò velu,
e l'anima sua 'ncumincia a vulari,
mentri na stidda cari di 'ncelu.*

*S'è veru ch'esisti stù Pararistu,
'ndà stù mumentu nun sbagghiu a pinzari
ca' s'iddu Maria ci trova a Turiddu,
dumani ddà supra, si pò maritari.*